

ЎЗБЕКИСТОН РЕСПУБЛИКАСИ ВАЗИРЛАР МАҲҚАМАСИ
ДАВЛАТ ТЕСТ МАРКАЗИ

ПРЕСС-РЕЛИЗ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ 2019 ЙИЛ 14
МАЙДАГИ “ОЛИЙ ТАЪЛИМ МУАССАСАЛАРИГА ТЕСТ СИНОВЛАРИ
ОРҚАЛИ ҚАБУЛ ҚИЛИШ ТИЗИМИНИ ТАКОМИЛЛАШТИРИШ БЎЙИЧА
ҚЎШИМЧА ЧОРА-ТАДБИРЛАР ТЎҒРИСИДА” ПҚ – 4319-СОНЛИ ВА
ВАЗИРЛАР МАҲҚАМАСИННИНГ 2019 ЙИЛ 13 МАЙДАГИ “ОЛИЙ ТАЪЛИМ
МУАССАСАЛАРИГА ЎҚИШГА ҚАБУЛ ҚИЛИШДА МИЛЛИЙ ҲАМДА
ХАЛҚАРО БАҲОЛАШ ТИЗИМИ СЕРТИФИКАТЛАРИНИ ТАТБИҚ ҚИЛИШ
ТЎҒРИСИДА” 395-СОН ҚАРОРЛАРИ МОҲИЯТИ:
ТЕСТ СИНОВИ ТИЗИМИДА ТАТБИҚ ЭТИЛАЁТГАН ЎЗГАРИШ ВА
ЯНГИЛИКЛАР

ТОШКЕНТ-2019

Давлат бошқарув органи: [Давлат тест маркази](#).

Манзили: [Тошкент шаҳар, Боғишамол кўчаси, 12-йй.](#)

Телефон: 71-2351914, факс: 71-2347184, эл. почта: info@dtm.uz, веб-сайт: www.dtm.uz

2019 йилнинг 14 май куни Ўзбекистон Республикаси Президентининг “Олий таълим муассасаларига тест синовлари орқали қабул қилиш тизимини такомиллаштириш бўйича қўшимча чора-тадбирлар тўғрисида” ПҚ – 4319-сон ва 2019 йил 13 май куни Вазирлар Маҳкамасининг “Олий таълим муассасаларига ўқишига қабул қилишда миллий ҳамда халқаро баҳолаш тизими сертификатларини татбиқ қилиш тўғрисида” 395-сонли қарорлари қабул қилинди. Шу муносабат билан ва оммавий ахборот воситалари вакилларини ҳамда оммавий ахборот воситалари орқали кенг жамоатчиликка қарорларнинг мазмун-моҳияти билан яқиндан таништириш мақсадида 15 май куни Миллий матбуот марказида **Давлат тест маркази ва оммавий ахборот воситалари вакиллари иштирокида матбуот анжумани бўлиб ўтди.**

Мамлакатимизда ҳам таълим соҳаси ривожланган сари ёшларимизнинг олий маълумотли касб эгаси бўлиш истаги тобора ошиб бормоқда. Шулар ва хорижий давлатларнинг таълим соҳаси тажрибасини ўрганиш натижалари ёшларимизга янада кенг имкониятлар яратиш эҳтиёжини келтириб чиқараётганлиги таъкидланди. Шуларни инобатга олган ҳолда, Ўзбекистон Республикаси Президентининг Олий Мажлис депутатларирига қилган Мурожаатномаларида қайд этилган ва “2017 – 2021 йилларда Ўзбекистон Республикасини ривожлантиришнинг бешта устувор йўналиши бўйича ҳаракатлар стратегиясининг «Фаол инвестициялар ва ижтимоий ривожланиш йили»да амалга оширишга оид Давлат дастурида ўз аксини топган ўзгаришларни ўз ичига олган мазкур қарорлар қабул қилинганлиги, улар асосида кўпгина янгилик ва ўзгаришлар жорий этилганлиги қайд этилди. Анжуман давомида қўйидагилар маълум қилинди:

1. Ўзбекистон Республикаси Президентининг “Олий таълим муассасаларига тест синовлари орқали қабул қилиш тизимини такомиллаштириш бўйича қўшимча чора-тадбирлар тўғрисида” 2019 йил 14 майдаги ПҚ – 4319-сон қарори бўйича:

Биринчидан, 2019/2020 ўқув йили қабулидан бошлаб **Ўзбекистон Республикаси таълим муассасаларига қабул қилиши бўйича Давлат комиссияси томонидан белгиланадиган** давлат олий таълим муассасаларига бакалавриатга ўқишига кириш учун абитуриентлар **Давлат хизматлари марказлари ёки Ўзбекистон Республикаси Ягона интерактив давлат хизматлари портали орқали** мурожаат қиладилар.

Иккинчидан, олий таълим муассасаларига ўқишига қабул қилиш бўйича кириш тест синовлари **июль-август ойларида ўтказиладиган бўлди – ташкилий жиҳатларнинг кўп вақт ва куч талаб қилиши, абитуриентлар сонининг кескин ортиши муносабати билан**.

Учинчидан, жорий ўқув йилидан бошлаб абитуриент бир вақтнинг ўзида олий таълим муассасасига ўқишига киришда фанлар мажмуасига мувофиқ келувчи жами **учта бакалавриат таълим йўналишида танловда иштирок** этади – утагача таълим йўналишини танлашда **тест синови топшириладиган фанлар мажмуасининг мослиги эътиборга олинади, шунингдек, абитуриент томонидан таълим йўналишларига устуворлик белгиланади**.

Тўртинчидан, олдинги ўқув йилларида таълим муассасаларини тугатган

abituriyentlardan test sиновларида иштирок этиши учун энг кам иш ҳақининг ярим баробари миқдорида **йигим ундирилади** (ногиронлиги бўлган ёки тўлиқ давлат таъминотидаги шахслар бундан мустасно).

Бешинчидан, abituriyentning test sиновида тўплаган баллари ҳақидаги маълумот тест синови ўтказилган куннинг эртасига, унинг талабаликка тавсия этилгани ёки этилмагани бўйича белгиланган тартибда тасдиқланган танлов натижаси тест синовларини ўтказиш жараёни тўлиқ яқунлангандан кейин бир ҳафта муддат ичида Давлат тест марказининг расмий веб-сайтида эълон қилинади.

Олтинчидан, 2020/2021 ўқув иили қабулидан бошлаб тест фанлари мажмуаси икки бўлимга ажратилиб, 1-бўлимга барча тест топширувчи abituriyentlar учун мажбурий 3 та фан – она тили, математика ва Ўзбекистон тарихи, 2-бўлимга даъвогарлик қилинаётган бакалавриат таълим йўналишига мос иккита фан киритилади. Мажбурий фанлар бўлимидағи тест топшириқлари соддалаштирилган бўлиб, abituriyentlarning умумий саводхонлиги ва таянч билимларини баҳолашга йўналтирилади.

Еттинчидан, Қорақалпогистон Республикаси, Тошкент шаҳри ва вилоятларнинг маъмурӣ марказларида келгусида тест синовларини ўтказиш мақсадида катта сифимли бино ва иншоотлар қурилади.

Шунингдек, abituriyentga ўзи рўйхатдан ўтадиган, аникроғи, **доимий истиқомат қиласиган жойида ёки бошқа қулай деб билган ҳудудда тест синовида иштирок этиш имконияти** берилиши мумкин – бу ортиқча вақт, маблағ сарфланишининг, сарсонликларнинг олдини олади.

Абитuriyentlardan тушган **тўловлар** тест синовларини янада **сифатли ва қулай шароитларда ташкил** этиш билан боғлиқ харажатларни молиявий таъминлашга йўналтирилиши режалаштирилган. Ушбу маблағлар биноларнинг ижара тўловига, катта қувватли кондиционерлар, шахсни аниқлаш, биометрика, мобиль алоқа тўлқинларини тўсувчи қурилмалари ва кузатиш камералари, ота-оналар учун мониторлар билан жиҳозлашга ҳамда abituriyentларни ичимлик суви ва ручка билан таъминлашга йўналтирилади.

Шу билан бирга, тест синовларини ташкил этиш жуда катта қўшимча молиявий маблағларни талаб этади ва abituriyentлардан тушадиган тўловлар мавжуд харажатларни тўлиқ қоплаш учун етарли деб бўлмайди. Тезкор ўқийдиган оптик қурилмалар хариди, хорижий экспертларни жалб этиш ва хорижий ватандошларни Давлат тест марказига ишга олиш, тўрт мингдан ортиқ гуруҳ назоратчиларига тўланадиган иш ҳақи, уларга ташкил этиладиган тушлик, тест материалларини сифатли тайёрлаш, ўз вақтида белгиланган жойларга етказиб бериш, олиб келиш, саклаш ва шу кабилар киради.

Тест синовларига тўловни жорий этилиши амалда тайёргарликсиз келаётган, билимсиз ва ғаразли мақсад билан иштирок этаётган abituriyentлар сонининг ва тест синовлари жараёнида ўзгадан ёрдам олиш ёки ёрдам бериш ҳолатларининг камайишига олиб келади. Ушбу ҳолат хорижий мамлакатларда кенг тарқалган бўлиб, олий таълим муассасалари томонидан ўтказиладиган тест синовларида жорий этилган.

2. Ўзбекистон Республикаси Вазирлар Маҳкамасининг “Олий таълим муассасаларига ўқишига қабул қилишда миллий ҳамда халқаро баҳолаш тизими сертификатларини татбиқ қилиш тўғрисида” 2019 йил 13 майдаги 395-сон қарори

бўйича:

Мазкур қарор ўзида чет тилини билиш даражаси бўйича тегишли сертификатга эга бўлган абитуриентларни қўллаб-кувватлаш ва 2019/2020 ўкув йилидан бошлаб олий таълим муассасаларига ўқишга қабул қилишда миллий ҳамда халқаро баҳолаш тизимлари сертификатларини татбиқ қилиш, шунингдек кириш синовларида белгиланган имтиёзларни (миллий ёки халқаро сертификатлар асосида имтиҳонларсиз максимал балл берилишини) акс эттирган.

Биринчидан, 2019/2020 ўкув йилида чет тиллари асосий фан сифатида киритилган бакалавриат таълим йўналишлари учун миллий сертификат ёки халқаро имтиҳон тизимлари бўйича тилни билиш даражалари **B2** ва ундан юқори даражада белгиланди.

Иккинчидан, 2019/2020 ўкув йилида чет тиллари асосий фан сифатида киритилмаган бакалавриат таълим йўналишлари учун миллий сертификат ёки халқаро имтиҳон тизимлари бўйича тилни билиш даражалари **B1** ва ундан юқори даражада белгиланди.

Учинчидан, 2020/2021 ўкув йилидан бошлаб тест синовлари (касбий (ижодий) имтиҳон) мажмуасига чет тили фани киритилган барча (*асосий ёки асосий бўлмаган фан эканлигидан қатъи назар*) бакалавриат таълим йўналишлари учун миллий сертификат ёки халқаро имтиҳон тизимлари бўйича тилни билиш даражалари **B2** ва ундан юқори даражада татбиқ этилади.

Тўртингидан, Тошкент давлат юридик университети учун алоҳида сертификат даражаси бўйича тартиб белгиланди.

Бешинчидан, 2019 йилга қадар Давлат тест маркази томонидан берилган миллий сертификатнинг имтиёзи ушбу сертификатларнинг амал қилиш муддати даврида сақлаб қолинди.

Олтинчидан, 395-сон қарорга илова: 3-банд – **сертификат** синовлари якунлари бўйича энг юқори баллнинг **камидаги 60 фоизини** тўплаган шахсларга **2 йил муддатга** берилади.

Aхборот хизмати